



D. IACOBBO POERIER

EQVITI TORQVATO.

D. DANFREVILLE, CASTELLANO DE CYSAY, &c.

CHRISTIANISSIMO REGI AB VTRISQVE CONSILIIS.

NEC NON IN SVPREMONE VSTRIÆ SENATV
PRÆSIDI INTEGERRIMO.

PRÆSIDI INTEGERRIMO.

[illegible]

sonium aggredi.

V. ALE.

Tibi Addictissimus GEORGIVS QVESTIER

QVÆSTIO MEDICA MANE DISCVTIENDA DIE IOVIS IV. MAII

NOBILI VIRO M. ANDREA GAVDINO PROFESSORE REGIO ET DECANO MODERATORE.

23.

An quibus minus perspirat corpus, sint Robustiores?

SEMINI, quo fiunt solidæ partes, & sanguini materno, quo constant alunturque carnosæ, tam multa, quibus conflictamur, insunt sæpè incommoda, ut si corporum, ita & morborum, principia censi debeant: ex ijs enim innata est primordiorum discordia, quæ licet in permissionem paria venerint, mutuo tamen inter se certamine, sensim sine sensu disparia euadunt, & quam fecere sanitatem evertunt, ad eò incerta est & infida ex contrarijs origo. Est & semini insitus calor, qui auidius suâ efficientiâ humidum absumens nativum, se se ita inconsulto perimit, ut qui auctor est vitæ, idem sit & necis. Enimvero cum semen genitale ab omnibus sit corporis partibus deciduum, à sanis quidem sanum, à morbosis morbosum, nemini durum videri debet, si fatui fatuos, calui caluos, & ut plurimum distorti & manci distortos & mancos generent. Sanguis quoque maternus alterum generationis nostræ principium, in quo aliquid semper regnat elementum, dum nos alit, suis etiam vitijs nos imbuat, ea tamen leuius quàm semen in corpus inserit, sed ab utroque proveniunt morbi, quos medicorum opprobria dicunt, quique nullam temporis præscriptionem admittunt.

HOC habent à primis qualitatibus corpora, ut alia sint calida, alia frigida, humida, sicca; densitate aut raritatem, molliem aut duritiem mutuuntur à secundis: solus homo animalium omnium temperatissimus, si iustam illarum qualitarum sit sortitus *συνμετρίαν, ὡς παρὰ τὸν συνανταστικόν* habetur. Sed cum omni animantium generi communi lege sit à natura tributum, ut calor natiui beneficio vivant, qui licet in pluribus viventibus sit frigori impar, actionis tamen dicitur opifex, cum præstantioris cuiusdam ordinis quàm ignis elementaris esse perhibemus. Sed nec minùs stupenda videtur facultatis ipsius formatricis conditio, cui tanquàm sapienti, partium organicarum conformatio, in figura, magnitudine, numero & situ consistens, necnon liberorum ad parentes similitudo, in specie, sexu & effigie, iure accepta referri debet; partes enim organicæ illis dotibus instructæ, non autem primarum qualitarum contemperazione proprias functiones immediatè exercent; haud aliter quàm horologia varijs rotis & spiræ calybea suos exhibent motus, cum fuerunt ad agendum disposita, & inditum est ab artifice motionis principium: est itaque illa vel iudicio philosophi nobilioris conditionis, quàm sint elementa, atque à calido, frigido, humido, sicco, res planè diuersa, huiusque proprium subiectum est calidum innatum seu humidum primigenium calore & spiritu perfusum.

CORPORIS partibus à nemine edoctis hoc à natura insitum est, ut propter assiduam nostræ substantiæ fluorem, nouum semper alimentum appetant, quo nisi resarciantur, immatura mors occupat. Cum vero nullum sit tam simile nobis alimentum quod aliquid dissimile in se non contineat, multa profectò elaboratione eget: prima eius præparatio fit in ore, in vetriculo *χέλος*, in icore proprio calore & innatâ proprietate *διμετρίαν*, in singulis tandè corporis particulis ex communi ipsi alimento fit *ἐμύωσις*. Sua sunt cuiusque coctionis excrementa, viæque ipsi expurgandis accommodata; crassas enim cibi reliquias crassa intestina excipiunt & eiciunt, limosam sanguinis partem à residuâ humorum congerie lien attrahit, eaque attenuatâ nutritur, bilis partem tenuiorem cystis fellea secernit, eaque gaudet, crassiore iecur in tenuia intestina statim amandat excretioni fœcum aluinâ regione contentarum planè necessariam. Vnicum superest serum à materia potulenta exortum, tanquam familiare sanguinis vehiculum, cuius licet maiorem partem renes attrahant, futuram vrinarum materiem in sanis, minor tamen eiusdem portio sed tenuior, partim in sordes & sudores, partim in halituosum excrementum à calore in vaporem resolutum & in corporis habitum transfusum, per cutis spiracula insensibiliter euacuatur.

ENIMVERO insensibilis huiusce per poros transpirationis ut sua sunt commoda, ita & incommoda. Vbi enim illa mediocritatem tenuerit, corpus integrâ fruatur valetudine, sin aliquatenus imminui contingat, ad eò ut excreta assumptis proportionem non respondeant, in *πρόσχυμα*, & corpore boni habitus, cuius vapores sunt suaves & blandi, morbi sunt à plethorâ, sin vitiosorum humorum copia sit congesta, & exhalationis acris & calidæ effluuium non sit liberum, morbi à cacochymia oriundis seges fecunda suggeritur. Quod si fuliginosis hisce excrementis prorsus denegetur exitus, siue ob aërem ambientem frigidum, siue ob frigidum occursum, suffocandi repentè calor naturalis periculum imminet. Si contrâ cutis raritas modum excesserit, ut contingit æstare, & ob partium carnosarum insensibus nutritionis defectum, quin corporis robur dissoluatur, & causis externis morbos creantibus magis pateat, qui negauerit puto neminem: inde vtrinque angustia; hinc enim rara mollique cute prædita corpora externis iniurijs reduntur obnoxia; illinc dura densaque ab internis facilius offenduntur, illa quia plus aufertur, salubrius degunt, hæc quia minùs, morbosius; illa cum in morbum inciderunt, facilius sanescunt, hæc quia rariùsprehenduntur, grauiùs periculosiusque ægrotant.

ERGONE ab habitu naturâ densiori, an à rariori robur maius est expectandum? id unicuique erit obuium, si constiterit, rarum id esse cuius partes à se inuicem distant, densum contrâ cuius partes sunt propinquæ, quorum vtrumque partium situm tanquam genus agnoscat; illud est præterea perpetuæ veritatis & ut oraculum recipiendum, sanitatis studium esse non satiari cibis, & esse impigrum ad laborem, ab ijs enim & actionum integritas oritur, & causis externis strenuè resistitur, vnde prudentiores duritiem ab exercitatione contractam mollietie, & densitatem raritati prætulunt: rarioris contrâ texture homines, cum ferè semper gracilitatem habeant adiunctam, nullas exercitationes absque molestia, nullos sine summo virium detrimento labores perpeti possunt; densi vero si fortè morbis fuerint impliciti, faciliè calor naturalis robore se se liberant adeoque transpirant, ut longè plura assumant coquantque alimenta, quàm rari; hi cerè & ad bonum habitum comparandum, & ad conseruandam sanitatem, cum plura habeant commoda, meritò concludere licet cum Præceptore.

Quibus minus perspirat corpus, esse Robustiores.

Proponet **GEORGIUS QVESTIER** Valloniensis, in Scholis Medicorum Celeberrima Cadomensis Academia pro prima Apollinari Laurea, **A. R. S. H. M. DC. LI.**

P.M.P.
F. M. P.